



Siverth K. Heilmann

UPA 2020/109-1

Atassut

27. april 2022

Tasiilami erngup nukinganik innaallagissiorfik allilerniarlugu nukissiummik nutaamik innaallagissallu aqqutaanik pilersitseqqullugit naalakkersuisut peqquneqarnissaannik inatsisartut aalajangiiffigisassaattut siunnersuut

((Inatsisartunut ilaasortaq Lars Poulsen, Siumut))

Siullermik inatsisartuni ilaasortaq Lars Poulsen, Siumut qutsavigerusuppatsigit, Tasiilami erngup nukinganik innaallagissiorfiusup alliliisoqarsinnaanerata atatilugit siunnersuuteqarninnut, imatullu Atassummiit oqaaseqarfigissavarput.

Eqqaamasara naapertorlugu Tasiilami erngup nukinganik sanaartorsimaneq Nunatsinni siulliit ilagaat aammalu taannarpiaq tatsip kuullu atsissumi inisseqqanera pissutaalluni, illoqarfimmut pilersuina sakkukippallaartoq, taamaattumillu elværkiusoq pilersuinermit tapertaajuartariaqarsimassasoq. Siunnersuuteqartup Naalakkersuisunut apeqquteqarsimanermini erngup Nukissiorfiusup pilersuina annikippallaarneraasimaneq pisortanut aningaasatigut kingunissaani tunngavilersuutigineqartumi uppersarneqarpoq.

Erngup nukinganik sanaartorsimagaanni aamma naatsersuutigineqartariaqarpoq, mingutsitsinngitsumik atuinerup tamakkiisuunissaa, taamaalillunilu aatsaat ajutoortoqartillugu elværk-iusup ingerlalersinnaanera (sillimajuarnissarlu) siunertaralugu atornerqarsinnaasariaqartoq.

Taamaattumik siunnersuuteqartup siunnersuutaa tunngaviatigut taperserlugu, Atassummiit puujoqqunngilarput, illoqarfinni aamma allani erngup nukiliorfiliornissamik kissaateqartut periarfigissaartullu puujornagit tullerriaarineq ataatsimiititaliami nalilersorluarneqartariaqartoq.

Una Naalakkersuisut akissutissaa suli takkutinnngitsoq allataammat, imaasinnaavoq tunngavilersuuterput allannguallassinnaasasoq.

Qujanaq.